



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**[Den Erwürdigen/ wirdigen/ vnd wolgeporn hern/ Hinrich  
Grauen zu Stolberg vnd Weringenrode/ vnserm  
Dhoimdechant etc. Jacoben Wild vnnd Reingrauen etc.  
Friderichen dem eltern Grauen zu Wiede etc/ ...**

**Erzdiözese Köln**

**[S.l.], [1545]**

[Text]

**urn:nbn:de:hbz:466:1-35084**



Faltblatt fehlt

B

**D**en Erwürdigen/würdigen/ vnd wolgeporn hern/ Hin-  
 rich Brauen zu Stolberg vnd Weringerode/ vnserm Dhoim-  
 dechant etc. Jacoben Wild vnnnd Reingrauen etc. Friderichen  
 dem eltern Brauen zu Wiede etc/ ThumbCustern/ Chri-  
 stoffern Brauen zu Eldenburg etc. vnnnd Philipser  
 von Dhune Brauen zu Halkenstein/ etc. vn-  
 sern freunlichen lieben vetteren/ mitcapi-  
 tularen/ vnnnd besondern gunstigen  
 freunden/ sambt vnd be-  
 sonder.

**E**rwürdiger/ würdige/ wolgeporne lieber her/ Vetteren/  
 vnd mitcapitulair hern/ Was E. R. an vns durch vnser mit-  
 capitulair hern doctor Bernharten vom Hagen Cantzler vnd  
 Probstē/ vnd doctor Hieronymū dechanten zu sanct Andreen/  
 etc. schriftlich vnd mündlich gelangen lassen/ haben wir al-  
 lenthalben vermirckt vnd vernommen/ Vnnnd anfencklich be-  
 frembt vns abermael nit wenig/ das E. R. ire vermeint Ca-  
 pittel zu Bonn sambt irem außpleiben von vnserm rechtē wa-  
 ren generail Capittel/ das noch alhie in Cöllen im wesen/ vnd  
 durch vns prorogirt ist/ vff die angezogen vnfehligkeit thun be-  
 grunden/ vnd das auß vrsachē/ so wir iungst euch her Dhoim-  
 dechant in die lengd angezeit haben/ Zu dem auch das die ge-  
 sandten eins ersamen Raets fur vnserm gnedigsten hern sich  
 diß puncts offentlich dermaß erkleret haben / das sie denselbi-  
 bigen nie anders verstanden/ noch verstanden haben wollen/  
 dan auff ire Burgere/ dieselbige vermög Kayf. May. befelhs  
 der gebur anzusehen vnnnd zustraffen/ vnnnd nit auff die geist-  
 lichen weder hohes oder nidern standes/ Derhalb E. R. dieser  
 vermeinter vnfehligkeit halber woll hetten vonn anfangē das  
 generael Capittel alhie bynnen Cöllen/ lauch vnser Kyrchen  
 Statuta/ vnnnd altem löblichen herkommen besuchen mögen/  
 Al ij wie



wie sie noch on alle fahz wol chuen können/ von itzigen wesenden hochwichtigen vnd noetwendigen sachen sich myt vns capitulariter zuunderreden/ vnnnd souil Gott verlenen wolt/ auch zuuergleichē/ Dan on das wissen wy in kein ander generael Capittell zu Bonn oder anderßwo vermeintlich furgenommen myt nichten zuwilligen/ wie wir vns desselbigen auch hiebeuor offentlich bezeugt haben/ vnd hiemit nochmaels bezeugen. Souil aber die übergebne schriftliche articulen belangt/ ist byllich das eynem ieden von vns seins Standts/ wurden/ vnd preeminents gelassen/ vnd das im Capittel ein ieden frey sey/ seynem besten verstande vnnnd gewissen nach/ von gemeynen sachen zuredenn/ doch daß das mehri/ vermügeder Rechten/ vnnnd vnser Kirchen Statuta beschlies/ Vnnnd das kein frembde personen in vnser Capittell gezogen/ dan nur die iene/ die myt vns dieser zeit der Religion sache myt zuthun haben/ Das wy aber E. R. fur alle Inquisition vergrüßigen solten/ steht in vnser gewalt noch macht nyt/ vnd können deßfals vnsern Gbern die hende nyt schliessen/ noch de facto alieno promittirn. Zum lestenn aber/ wyssen wy vns nyt zuerynneren/ das wy ongewonlicher weis in gemeyn peutell thun greiffenn/ darumb sich E. R. myt ichten haben zubeschweren. Billich ist es vnnnd von alters herkommen/ was Capitulariter per maiorem partem/ die Kirch sonderlich belangend/ beschlossen/ das solichs auch communibus expensis außgericht werdt/ Was aber sunst in causa Religionis vnd Cleri auffgewēt/ geschicht ex communi contributione Cleri/ Sunst haben wy ongewonliche vnnnd onzimliche vnköste zuuerhüten/ das Capitulum generale hie bynnen wie von alters zu halten furgenommen/ vnnnd E. R. zu dem vermeynten Capittell zu Bonn nyt vsach geben/ silweniger in eynige vnköste derwegen gefurt/ wie wy sie auch vngern furen wölten/ Darumb wy dan auch hyngegen vns zu E. R. gentslich vnnnd entlich versehen wöllen/ sie werden sich gleichermaissen aller beschwerung dem Capittell



tell oder der Kyrchen thätlich zuzufügen gar vnd zumaell  
enthalten/ dan sunst würde vnserer hoechste noecturfft erfor-  
deren/dargegen wie recht zutrachtē/die Kyrch schad-  
loß zuhalten/Das wir E. L. auff yr schrift-  
lich vnd muntlich anlangen/ nyt  
wolten bergen. Datum Cöl-  
len im generail Ca-  
pittell am Sa-  
terstage  
den  
achten tag in Augusto  
Anno M. D.  
xlv.

Alfterdechant vnd Capittell  
des Thumbstiffes zu Cöllenn.

*Responsio Decani sequitur in Scheda.*

Wir Thomdechant bekennen das vnser Capittels Bode vn-  
ser Capicularß herenn schrifftten so ictzundt in Cöllenn/vnns  
vberantwort hadt/ wylchs wyr mit vließ vbersehn  
wollen/vnd iren E. vnd gunsten zum fürder-  
lichsten mit eygener botschafft vnd ge-  
bürlicher antwerung begegnen.

Henrich Graff zu Stolberg  
Thomdechant zu Cöllenn sst.



Faint, illegible text at the top of the page, possibly a title or header.

Faint, illegible text in the upper middle section of the page.

Faint, illegible text in the middle section of the page.

Faint, illegible text in the lower middle section of the page.

A large block of faint, illegible text in the lower section of the page, possibly a list or detailed notes.

Faint, illegible text at the bottom of the page, possibly a signature or footer.